



## Avis vum Conseil fir d'Lëtzebuenger Sprooch zum Gesetzprojet iwwer d'Promotioun vun der Lëtzebuenger Sprooch

De Conseil fir d'Lëtzebuenger Sprooch (CPLL - Conseil permanent de la langue luxembourgeoise) begréisst ausdrécklech, datt e Gesetz kënn fir d'Promotioun vun der Lëtzebuenger Sprooch, nodeems d'Sproochegesetz vun 1984 d'Lëtzebuergesch als Nationalsprooch definéiert huet.

De CPLL huet ëmmer erëm drop insistéiert, wéi wichteg et ass, datt de Statut vun der Lëtzebuenger Sprooch domadder gestärkt gëtt, datt se als Nationalsprooch an eis Constitutioun stoe kënn an datt se e Statut an der Europäescher Unioun kritt.

Et geet awer net duer domat. Zolidd sproochepolitesch Efforte sinn néideg, soss riskéiert d'Lëtzebuergesch zu enger Minoritéitesprooch hei am Land ze ginn. Et ass net an der Rei, datt d'Bierger den Androck kréien, d'Lëtzebuenger Sprooch wier eng Niewesächlechkeet. Grad och d'Mammesproochler an déi, déi sech eng héich Kompetenz am Lëtzebuergesch erschafft hunn, géife gär méi iwwert d'Lëtzebuenger Sprooch gewuer ginn, esou ewéi si dat an der Schoul fir Däitsch a Franséisch geléiert hunn.

Lëtzebuergesch ass zu enger wichtiger Sprooch ginn, wat den Zougank als vollwäertege Bierger an eis Gesellschaft ugeet. Dat gëtt ënnert villem aneren doduerch däitlech, datt all Debatten an der Chamber op Lëtzebuergesch geféiert a publizéiert ginn. Et ass dofir néideg, alle Bierger am Land d'Méiglechkeet ze ginn, d'Lëtzebuenger Sprooch ze léieren.

De CPLL insistéiert drop, datt nieft deene ville Coursen och dat informellt Léieren duerch den deeglechen Austausch tëschent de Bierger mat hire verschiddene Sproochkenntnisser gefërdert gëtt.

De CPLL huet am Kontext vun deem Gesetzprojet zwou Suergen:


- Et ass e Kadergesetz, an deem knapps konkret Mesurë fir d'Lëtzebuenger Sprooch explizit ernimmt sinn.

De CPLL ënnersträicht, datt dee Plan d'action muss op déi Mesuren agoen, déi am Strategiepabeier vun der Regierung vum Mäerz 2017 dra stinn. Dee Plan d'action muss da mam konkreten Zäitplang fir d'Ëmsetze vun der Regierung ugeholl ginn an un déi zoustänneg Verwaltungen an aner Instanze goen.

- De Gesetzprojet beschreift eng Rei nei Gremien.

Et besteet do d'Gefor, datt et zu Iwwerschneidunge bei den Zoustännegkeete kéint kommen. Dat ass virun allem de Fall, wat d'Section de linguistique, d'éthnologie et d'onomastique vum Institut grand-ducal engersäits, de CPLL anersäits an och d'Universitéit am Kontext vun der Recherche betrëfft. De CPLL wënscht sech do méi Kloerheet duerch déi legislativ Texter.

Fir de Conseil fir d'Lëtzebuenger Sprooch

  
Marc Barthelemy, President